

119. FITXA BIZKAIA – Industrialdearen Jarduketa Planean aurreikusitako modernizazio, egokitzapen eta hobekuntzarako inbertsioak egiteko dirulaguntzak.

Nori zuzendua: Industrialderen bat kokatuta dagoen Bizkaiko Lurralde Historikoko toki-erakundeak, industrialdearen azalera osoaren %50 baino gehiago edo azalera eraikiaren %50 baino gehiago jabetza pribatukoa bada.

Sarbide-esteka: [Ekonomia Sustapeneko Bulego birtuala \(bizkaia.net\)](http://ekonomia.sustapeneko.bulego.birtuala.bizkaia.net)

Erreferentziazko araudia: [Bizkaiko Foru Aldundiaren 37/2025 FORU DEKRETUA, apirilaren 10ekoa. Honen bidez, Industrialdeetako dirulaguntza-programaren oinarri arautzaileak eta deialdiak onesten dira, 2025 urterako.](#)

Eremuak: Ekonomia sustapena

Zenbatekoa: 140.000 € (2. Arloa)

Eskabideak aurkezteko epea: 2025/05/12tik (08:30ean) 2025/06/06ra (13:30ean)

Laburpena

2. Arloa: Industrialdearen Jarduketa Planean aurreikusitako modernizazio, egokitzapen eta hobekuntzarako inbertsioak egiteko dirulaguntzak.

Diruz lagundu daitezkeen jarduketak

Industria-poligonoaren jarduketa-planean zehaztu eta adostutako inbertsioak, haien ardura duten erakundeek egindakoak. Inbertsioak honako hauek izango dira:

- A motako inbertsioak: titulartasun publikoko espazioak eta oinarrizko zerbitzuak (ura, zaborra, argiteria, bide-sarea, eta abar) hobetu eta egokitzeko.
- B motako inbertsioak: Poligonorako balio erantsiko zerbitzuetan (konektibitatea, segurtasuna, seinaleak, hartzaindegia, eta abar).
- C motako inbertsioak: Energia-eraginkortasunean, ingurumen-hobekuntzan, energia berriztagarrietan, mugikortasunean eta irisgarritasunean).

Industrialdeko jarduketa-planean aurreikusita dauden inbertsioak egiteko jarduketak joko dira diruz laguntzeko egitatetzat.

Hasiera batean toki-erakundearekin egin eta adostu zen jarduketa-planean jasota ez zeuden inbertsioak

aurkezten badira dirulaguntzara, inbertsio horiek jatorrizko planari erantsi beharko zaizkio, eta horiek onartzen dituela adierazten duen agiri bat erantsi beharko da, bai enpresa-taldearen aldetik, bai toki-erakundearen aldetik.

Gastuetarako aldi hautagarria

2. Arloan diruz lagundutako jarduerak edo proiektuak 2024ko abenduaren 1etik 2026eko irailaren 30era bitartean hasi eta amaitu beharko dira.

Laguntzen zenbatekoa

Dirulaguntzaren zenbatekoa diruz lagundu daitekeen gastuaren %60 izango da. Dirulaguntzaren zenbateko osoa ezin da izan 90.000 euro baino handiagoa erakunde onuradun bakoitzarentzat.

Erakunde onuraduna eremu behartsuetako udalerri batean badago, dirulaguntzaren ehunekoa diruz lagundu daitekeen gastuaren %70 izango da. Kasu horretan, dirulaguntzaren zenbateko osoa ezin da izan 100.000 € baino handiagoa erakunde onuradun bakoitzarentzat.